



Broj: A-750/22-4
Dana, 20.10.2022. godine

Na osnovu člana 70. stav 1,3, i 6 i čl. 68. stav 4. tačka i) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku broj: A-750/22-3 od 19.10.2022. godine, u postupku javne nabavke roba, štampanog kancelarijskog materijala: TCMS omota za spise, TCMS koverti i brojeva i bijelih omota običnih, za potrebe Okružnog javnog tužilaštva Banja Luka, ugovorni organ, Okružno javno tužilaštvo Banja Luka, koji je nadležan za donošenje odluke donosi:

ODLUKU **o izboru najpovoljnijeg ponuđača**

I

Prihvata se preporuka Komisije za javne nabavke, broj A-750/22-3 od 19.10.2022. godine i ugovor za javnu nabavku robe štampanog kancelarijskog materijala: TCMS omota za spise, TCMS koverti i brojeva i bijelih omota običnih, za potrebe Okružnog javnog tužilaštva Banja Luka, dodjeljuje se ponuđaču „SVJETLOST-BH PRINT“ D.O.O. SARAJEVO, za ponuđenu cijenu od 9.000,00 KM, bez PDV-a, kao najbolje ocijenjenom.

II

Ponuda ponuđača „PRIMAPROM“ d.o.o. BANJA LUKA se odbacuje u skladu sa članom 68. stav 4. tačka i) ZJN BiH.

III

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ugovor o nabavci robe dostavit će se na potpis izabranom ponuđaču „SVJETLOST-BH PRINT“ D.O.O. SARAJEVO po isteku roka od 10 (deset) dana, računajući od dana kada su svi ponuđači obavješteni o izboru najpovoljnije ponude.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-750/22 od 26.09.2022. godine. Javna nabavka je sprovedena po proceduri konkurentskog zahtjeva za dostavljanje ponuda, a obavještenje o nabavci broj: 315-7-1-13-3-9/22 objavljeno je na Portalu javnih nabavki Agencije za javne nabavke BiH, dana 27.09.2022. god u 11:29 sati. Procijenjena vrijednost javne nabavke bez PDV-a je 10.000,00 KM.

Komisija za javnu nabavku dostavila je dana 19.10.2022. godine Izvještaj o radu, Zapisnik o pregledu i ocjeni ponuda i Preporuku o izboru najpovoljnijeg ponuđača u postupku javne nabavke roba, štampanog kancelarijskog materijala: TCMS omota za spise, TCMS koverti i brojeva i bijelih omota običnih, za potrebe Okružnog javnog tužilaštva Banja Luka.

Komisija je pravilno i potpuno izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima iz tenderske dokumentacije, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3);
- da su blagovremeno zaprimljene tri (3) ponude;
- da nema neblagovremeno zaprimljenih ponuda;
- da dostavljena dokumentacija i uzorci ponuđača „Svjetlost –BH print“ d.o.o. Sarajevo i ponuđača JU „ Službeni glasnik RS“ Banja Luka odgovaraju svim zahtjevima iz tenderske dokumentacije;
- da ponuđač „PrimaProm“ d.o.o. Banja Luka nije dostavio uzorak TCMS omota za spise u skladu sa zahtjevima iz tenderske dokumentacije.

Dostavljeni uzorak TCMS omota spisa ponuđača „PrimaProm“ d.o.o. Banja Luka ne odgovara zahtjevima iz tenderske dokumentacije, odnosno ponuđač je dostavio zeleni TCMS omot, iako je u tački 4.10. Tenderske dokumentacije navedeno:

„Ponuđači su dužni dostaviti uzorke TCMS omota spisa u roza boji-panton 671C, a u skladu sa specifikacijom za štampu boje omota“.

Takođe, na postavljeno pitanje ponuđača u vezi sa TD, ugovorni organ je odgovorio:

„Uzorci moraju ispunjavati sve tehničke uslove (kako je navedeno u TD), u vidu vrste papira, kvaliteta štampe, dimenzija, **boje** i ostalo...”

Na osnovu gore navedenog, Komisija je donijela zaključak da se u skladu sa članom 68. stav 4. tačka i) ZJN BiH, ponuda ponuđača „PRIMAPROM“ D.O.O. BANJA LUKA odbacuje iz razloga jer dostavljena ponuda u pogledu dostavljenog uzorka, a koji je predmet ove javne nabavke, ne odgovara zahtjevima iz tenderske dokumentacije.

Nakon izvršenog pregleda i ocjene ponuda zakazana je e-aukcija dana: 19.10.2022. u 10:00 sati, a koja je završena u 10:20^h, na kojoj su učestvovali ponuđači „Svjetlost –BH print“ d.o.o. Sarajevo i JU „ Službeni glasnik RS“ Banja Luka .

Uvidom u Izvještaj o toku i završetku e-aukcije, Komisija je utvrdila da je ponuđač „Svjetlost – BH print“ d.o.o. Sarajevo ponudio cijenu od 9.000,00 KM, bez PDV-a i da je na konačnoj rang listi ponuđača koji su učestvovali na e-aukciji na prvom mjestu.

Kako je ponuda ponuđača „Svjetlost –BH print“ d.o.o. Sarajevo ocijenjena kao prihvatljiva i kako je gore navedeni ponuđač najpovoljniji ponuđač nakon završetka e-aukcije, Komisija za javnu nabavku predložila je Glavnom okružnom javnom tužiocu prihvatanje ponude, te u skladu sa čl. 70. Zakona, donošenje Odluke o izboru ponude ponuđača „Svjetlost –BH print“ d.o.o. Sarajevo, kao najpovoljnije za predmetnu nabavku.

U postupku donošenja ove odluke, posebno su cijenjene činjenice da je Komisija pravilno izvršila ocjenu kvalificiranosti ponuđača, kao i ocjenu prispjelih ponuda, u skladu sa kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke dopuštena je žalba, koja se podnosi Ugovornom organu u roku od 5 (pet) dana od dana prijema Odluke, u skladu sa članom 99. i 101. tačka 5. ZJN BiH.

DOSTAVITI:

- Svim ponuđačima
- a/a

GLAVNI OKRUŽNI JAVNI TUŽILAC
Zoran Bulatović

